



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

7. Aspiraciones post Communionem.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

PARS SEPTIMA.

Per breues Aspiraciones, & Conceptus animi per modū meditationis post SS. Communionem fructuosissimè adhibendi.

1. Aspiratio.

1. **M**irantur, bone Iesu, creaturæ omnes, te in purissimum Mariæ, matris tuæ uerum descendisse; cum tamen integerrima illa, & omni virtute, & gratia refertissima fuerit: An non, mirari magis debeo, uoluisse te in me ingredi, à me recipi, à me teneri, deformi, inopi, sordido?

Tunc Domine in me manere, & inter uasa electorum tuorum collocare me uis, qui uas fui hactenùs immundum & sordidum? Et quamuis singulari tua gratia; per pœnitentiam, ut spero, ablutus sum; nunquid tamen uas olim ad excipiendos uomitus destinatum nullam, uel sola recordatione, nauseam mouebit? Itane in me manere, & tanquàm uasculum, aut pixidem sacrarum reliquiarum, immò Corporis tui constituis?

2. Benedicant te omnes Angeli tui, bone I E S U, quia quod proprium est spōsi & spōsæ, tibi me uis inseparabili uinculo coniungere: effice ergo te unum ut diligam, te unum ut sitiam & amem, ac nulle me mū-

dil-

di il'eccebræ, nulla carnis voluptas, nullæ dæmonum insidias abs te auellât, & separent.

3. Da mihi præsentia tuæ effectus perferentiscere, bone IESU? Memini benedictionum, quibus cumulaſti eos, qui te aliquando in domum suam acceperunt. Mariam matrem tuam, vbi in vterû te suum accepit, omnibus donis & gratiis compleuisti. Zachæum illum publicanorum principem, quòd te acceperit hospitio, cælesti benedictione cumulaſti. Simulatque obita pro nobis morte in infernum descendiſti, illum in paradifum quendam commutaſti. Domum Obededom, in qua arca testamenti, huius Sacramenti, vmbra tantum & figura, reposita fuit, omni benedictione locupletaſti, da quoq; domui meæ, in quam ingressus es, benedictionem; eam quaeso in paradifum conuerte, eam donis tuis & gratiis cumula.

Memini pientissime Iesu, facris de te litteris esse mandatum, quod omnis tui ba quærebat te tangere, quia virtus à te exibat & sanabat omnes. Ecce ego te iam non tetigi tantum, sed in me quoq; accepi; exeat, quaeso, à te virtus, quæ omnes languores meos sanet, quæ vires novas sufficiat ad seruiendum tibi, &c.

6. Simulatque anima tua preciosissima

ex

ex sacratissimo tuo Corpore egressa est, & Iesu pro nobis crucifixe, voluisti Corpus tuum myrrha, & aromatis conditum, syndoneque purissima inuolutum inferri in sepulchrum, petra benè munitum, & iam toto terrarum orbe gloriosum. Et ecce modò (quæ tua est incomprehensibilis bonitas) Corpus idem tuum, à morte suscitatum, animaque beatissima informatum mihi porrigis; in me, vt in sepulchrum aliquod inferam, in me vt illud recòdam; da ergo mihi, obsecro, fortitudinis petram ad vincendas omnes imperfectiones, & ferendas omnes aduersitates, labores, & pericula omnia, quæ pro tuo honore, & mea salute mihi sunt sustinenda. Da quoque mihi linteum, sindonemque castitatis, & puritatis. Dona postremò myrrham mortificationis, vt huius diuinissimi Sacramenti gratia delibutus, à criminibus purus, & integer, nullo mortiferæ perturbationis veneno inficiar, & corrumpar, sed odor & mihi, & aliis omnibus sim in vitam; tibi verò in nominis tui gloriam sempiternam.

Petitio-

*Petitiones deuotæ ad Dominũ IESVM
Christum, ex S. Augustino, quæ etiam
coram S. Eucharistia dici
possunt.*

Domine IESV, nouerim me, noue-
rim te,

Nec aliquid cupiam nisi te;

Vt odiam me, & amem te.

Quicquid agam, propter te.

Humiliem me, exaltem te:

Nihil cogitem nisi te.

Mortificem me, & uiuam in te.

Quæcunque veniant, accipiam à te

Persequar me, sequar te.

Semper optem sequi te.

Fugiam me, confugiam ad te,

Dignus sim defendi à te.

Timeam mihi, timeam te.

Simque de electis à te.

Diffidam mihi, fidam in te.

Obedire velim propter te.

In nullo afficiar, nisi in te.

Aspice me, vt diligam te;

Voca me, vt videam te,

Et in æternum potiar te. Amen.

Oremus.

Absorbeat quæso, Domine Iesu Chri-
ste, mentem meam ignita & melliflua vis
amo-

amoris tui ab omnib⁹, quæ sub cælo sunt,
vt amore amoris tui moriar, qui amore a-
moris mei dignatus es in ligno Crucis mo-
ri. Amen.

PARS OCTAVA.

*Litania de Venerabili Sacramento, ex
Scripturis Sacris, & SS.
Patribus.*

IN nomine Patris, & Filij, & Spiritus san-
cti. Amen.

Antiph. O sacrum conuiuium, in quo Chri-
stus sumitur, recolitur memoria passionis
eius, mens impletur gratia, & futurae glo-
riæ nobis pignus datur.

KYrie eleison. Christe eleison:
Kyrie eleison. Christe audi
nos. Christe exaudi eos.

Pater de cælis Deus.

Fili redemptor mundi Deus.

Spiritus sancte Deus.

Sancta Trinitas vnus Deus.

Panis viuus, qui de cælo descēdisti.

Deus absconditus, & saluator.

Fruentum electorum.

Vinum germinans virgines.

Panis pinguis, & deliciae Regum.

Iuge

Miserere nobis.